

鹿野苑遠下紆葉波攝音婉轉上紆擗地上毗  
 鎧反苦亥羌駄下奴侯反擦理料音黎毀上徒回反衣  
 下胡浪反擦理料音黎毀上徒回反衣  
 正作羌浪反擦理料音黎毀上徒回反衣  
 珍玩下愚瞿能上音黎下茵蓐二字音羅繕  
 知下丑盍鉢字鴛鴦勿反脊肋上音跡勒姤施上音  
 姊迦侯丁分那上音抵迦達上珍經緯下音木

稻道下音劇奇逆執攬敢反鋟戶花鉄音壘音  
 僻死亦彷徉上音傍鳩咤下居末反不長下  
 枝靡苗彼咄丁骨遷提上作絜裹二字音  
 呪上丘暇夏焦穀上作恬徒添柔喪下乳杭楷  
 米与粳同擣刷必角反完兒上同惠虹緝  
 腺牖下字逕行古定反上縱足容哂式忍

## 善見毗婆沙律卷第二

伯二

蕭齊外國沙門僧伽跋陀羅譯

衆僧已受即推目捷連子帝須爲和上摩訶提婆爲阿闍梨授十戒大德朱闡提爲阿闍梨與具足戒是時摩哂陀年滿二十即受具足戒於戒壇中得三達智具六神通漏盡羅

漢僧伽蜜多阿闍梨名阿由波羅和上名曇摩波羅是時僧伽蜜多年十八歲度令出家於戒壇中即與六法王登位以來已經六年二子出家於是摩哂陀於師受經及毗尼藏摩哂陀於三藏中一切佛法皆悉總持同學一千摩哂陀最大余時阿育王登位九年有比丘拘多子名帝須病困劇持盜乞藥得蘇一撮其病增長命將欲斷向諸比丘言三界中慎勿懈怠語已飛騰虛空於虛空中而坐即化作火自焚燒身入於涅槃是時阿育王聞人宣傳爲作供養王念言我國中比丘求藥而不能得王於四城門邊起作藥藏付藥滿藏中時波咤利弗國四方城門邊有四千客堂堂日得錢五千以供王用余時王以錢一千供大德泥瞿陀一千供養塔像華香直取一千供給法堂一千供諸律師一千供衆僧四城門邊藥藏日一萬以用買藥直余時佛法興隆諸外道等喪失供養利周遍乞

食都無所得爲飢渴所逼託入佛法而作沙門猶自執本法教化人民此是律此是法既不用佛法律威儀進止悉不得法來入寺住至布薩日來入僧中諸善比丘不與其同尔時目捷連子帝須自念言諍法起已不久當盛我若住僧衆諍法不滅即以弟子付摩哂陀已目捷連子帝須入阿休河山中隱靜獨住諸外道比丘欲以己典雜亂佛法遂成垢濁外道猶行己法或事火者或五熱炙身或大寒入水或破壞佛法者是故諸善比丘不與同布薩自恣及諸僧事如是展轉乃至七年不得說戒阿育王知已遣一大臣來入阿育僧伽藍白衆僧教滅闡諍和合說戒大臣受王勅已入寺以王命白衆僧都無應對者臣便還更諮傍臣王有勅令衆僧滅諍而不順從卿意云何傍臣答言我見大王往伏諸國有不順從王即斬殺此法亦應如此傍臣語已使臣往至寺中白上座言王有勅令衆

伯二

二

僧和合說戒而不順從上座答言諸善比丘不與外道比丘共布薩非不順從於是臣從上座次第斬殺次及王弟帝須而上帝須見殺諸比丘即自念言此臣受取王勅僻故殺諸衆僧也問曰帝須是誰答曰是王弟同生爾時阿育王登位立弟爲太子太子一日入林遊戲見諸羣鹿陰陽和合太子作是念此諸羣鹿噉草飲水尚復如此豈況比丘在寺房舍牀蓐細更飲食適口當無是事太子遊還到王所白王言我向出遊見諸羣鹿陰陽和合畜生噉草飲水尚有此事諸比丘僧在寺舍供養備足豈無此事王聞語已即自念言非狐疑處而生狐疑一日太子帝須觸悟王意王忿而語太子帝須我今以王位別汝七日作王訖已我當殺汝是時太子帝須雖順從卿意云何傍臣答言我見大王往伏諸國有不順從王即斬殺此法亦應如此傍臣心不染著形體羸瘦憂惱轉劇所以余者猶畏死故七日已滿王喚帝須問何意羸瘦飲

食伎樂不稱意耶帝須答言死法逼迫心不甘樂王聞語已語帝須言汝已知命七日當死猶尚惶怖況諸比丘出息入息恒懼無常心有何染著王語已帝須於佛法中即生信心又復一日太子帝須出遊行獵漸漸前行至阿練若處見一比丘坐名曇無德有一象

伯二

三

折取木枝遙拂比丘太子見已心發懼喜而作願言我何時得如彼比丘曇無德比丘自逆知帝須心願比丘即以神力飛騰虛空於虛空中而坐令帝須得見從虛空飛往阿育僧伽藍大池中於水上而坐立脫僧伽梨鬱多羅僧者安陀會者益孟者擬待太子即出家

已是時太子往到禪房至曇無德比丘所求欲出家國中豪貴諸長者兒一千童子隨太子出家國中人民見太子出家各自念言太子如此尊貴尚捨王位出家修道我等貧窮何所戀慕念已無數人衆悉隨出家阿育王登位四年太子出家復有王外甥阿耆婆羅門是僧伽蜜多知己有一男兒阿耆聞太子出家心中驚喜往至王所即白王言我今欲念聽我出家王聞帝須求出家心大驚憇答言宮中妓女百味餚膳娛樂快樂何以出家王種種方便令其心止志意堅固永不肯住而答王言宮中妓女歡樂暫有會當別離大比丘臣殺未已帝須比丘便前遮護臣不得

殺臣即置刀往白王言我受王勅令諸比丘和合說戒而不順從我已依罪次第斬殺殺猶未盡帝須比丘即便遮護不能得殺臣白王言帝須比丘爲殺以不王聞臣言殺諸比丘即大驚愕心中懊惱悶絕躰地以冷水灑面良久乃蘇即語臣言咄咄我遣汝入寺欲

伯三

四

令衆僧和合說戒何以專輒而殺衆僧王往寺中白諸衆僧我前遣一臣教令和合說戒不使殺諸比丘此臣專輒枉殺衆僧不審此事誰獲罪耶有比丘答言由王故殺此是王罪或有比丘言兩俱得罪有一比丘即問王言王心云何有殺心不王答言我本以功德意遣無殺心也若王如此王自無罪殺者得罪王聞如是言已心生狐疑問諸比丘有能斷我狐疑者不若能斷我狐疑心者我當更堅立佛法諸比丘答言有目犍連子帝須能斷狐疑堅立佛法於是即遣法師四人人各有比丘一千侍從而去復遣大臣四人人各有

有一千人將從往迎大德目犍連子帝須須得而歸是時二部衆往至阿休河山中迎取目犍連子帝須到已而言王喚帝須帝須不去王復更遣法師八人人各有比丘一千侍從大臣八人人各一千侍從到已復言王喚帝須帝須不去王遲望二使經久未反王心

狐疑王復問諸大德大德我已遣二使往迎目犍連子帝須使已經久而不見至衆僧答言恐迎者僻宣王意言喚帝須是故不來王復問言云何作諸語而得來耶衆僧答王當作是言佛法已沒願屈大德來更共堅立乃可得來王聞是言更遣法師十六人人各比

伯三

五

丘一千侍從大臣十六人人各將一千人王復問彼法師爲老爲少衆僧答言老若其老者當用舉迎衆僧答言不得乘舉王復問言彼大德者住在何處答言阿休河山中若尙當遣船乘往迎勑使者言汝若到已當請大德住大舫中可使四邊帶仗防護是時大衆

使者發去到阿休河山中即以王命白大德言今佛法已沒仰屈大德來共豎立於是大德聞使語已言我出家正爲佛法今時至矣即取坐具而起帝須自念言明當至彼咤利弗國是時阿育王夜夢見如是相貌有一白象而來以鼻摩娑王頭捉王右手明日王召相師曰我夜夢如是相貌爲吉爲凶有一相師即答王言捉王手者是沙門像也大王聞相師語已即得信來白王大德帝須今日已至王聞至已即出往迎王自入水至膝大德帝須欲上王以右手捧接大德大德帝須便捉王手左右拔劍欲斫大德帝須何以故阿育王法若人捉王頭及手即便斫頭是故拔劍欲斫尔時王見水中拔劍影王迴顧言咄咄我昔勑臣往至寺中令衆僧和合說戒而僻取我意殺諸比丘而汝今者復欲殺耶止此莫作我罪法師問曰比丘不得捉白衣手云何得捉答曰王爲欲聞法故往請來王即

是大德弟子故得捉手於是王將大德往園林中住三重防衛王自爲大德洒腳以油摩之摩竟於一邊而坐王自念言此大德能斷我疑不若能斷我疑者亦能斷諱法然後佛法豎立王念我旦當試大德我欲見大德神通力願爲示現帝須答言汝今樂見何等神力王言我欲見大地震動帝須問曰爲欲使一邊動一切動耶王復問言於此二種何者爲難帝須答言譬如銅盤盛滿中水有人動盤水悉動難半動半不動難王言半動半不動甚難帝須答言如是大王王言欲見半動半不動帝須語王周迴四方四由旬彈繩作伯二

六

界東方安車南方安馬西方安人北方安銅盤水使各騎界上一腳在內一腳在外銅盤水當安界上半入界內半在界外王即隨教作已於是帝須即入第四禪從禪定起而向王言善見大王大德帝須即以神力能使四方四由旬外悉大震動界內不動車馬及人

外腳悉動內腳不動水半動半不動於是大王見大德神力如此即大歡喜我先所疑今得斷也於佛法中惡法得滅王即問大德帝須我先遣一日到寺令僧和合說戒而目專輒殺諸比丘此罪誰得耶帝須答言大王有殺心不王即答言我無殺心若無殺心王無

罪也即便爲王說本生經佛語諸比丘先籌量心然後作業一切作業皆由心也帝須欲演本生經大王往昔有一鶴鵠鳥爲人籠繫在地愁怖便大鳴喚同類雲集爲人所殺鶴鵠問道士我有罪不道士答言汝鳴聲時有殺心不鶴鵠鳥言我鳴伴來無殺心也道士即答若無殺心汝無罪也而說偈言

不因業而觸 不因心而起 善人攝心住

如是大德帝須方便令王知已七日在園林中帝須教王是律是非律是法非法是佛說是非佛說七日竟王勑以步障作隔所見

伯二

七

同者集一隔中不同見者各集異隔處處隔中出一比丘王自問言大德佛法云何有比丘答言常或言斷或言非想或言非想非非想或言非間涅槃王聞諸比丘言已此非比丘即是外道也王既知已王即以白衣服與諸外道驅令罷道其餘隔中六萬比丘王復更問大德佛法云何答言佛分別說也諸比丘如是說已王更問大德帝須佛分別說不答言如是大王知佛法淨已王白諸大德願大德布薩說戒王遣人防衛衆僧王還入城王去之後衆僧即集衆六萬比丘於集衆中目撻連子帝須爲上座能破外道邪見徒衆衆中選擇知三藏得三達智者一千比丘如昔第一大德迦葉集衆亦如第二須那拘集衆出毗尼藏無異一切佛法中清淨無垢第  
三集法藏九月日竟大地六種震動所以一千比丘說名爲第三集也

法師問曰三集衆誰爲律師於闍浮利地我

當次第說名字第一優波離第二駁寫拘第三須那拘第四悉伽婆第五目捷連子帝須此五法師於閻浮利地以律藏次第相付不令斷絕乃至第二集律藏從第三之後目捷連子帝須臨涅槃付弟子摩哂陀摩哂陀是阿育王兒也持律藏至師子國摩哂陀臨涅槃付弟子阿栗咤從余已來更相傳授至于今日應當知之我今說往昔師名從閻浮利地五人持律藏至師子國第一名摩哂陀第二名一地臾第三欝帝臾第四名參婆樓第五名拔陁沙此五法師智慧無比神通無礙得三達智於師子國多教授弟子摩哂陀臨涅槃付弟子阿栗咤阿栗咤付弟子帝須達多帝須達多付弟子伽羅須末那伽羅須末那付弟子迦那地伽那付須末那須末那付伽羅須末那伽羅須末那付曇無德曇無德付帝須帝須付提婆提婆付須末那須末那付專那伽專那伽付曇無波離曇無波離

伯二

八

付余摩余摩付優波帝須優波帝須付法匠如此諸律師智慧第一神通無礙得三達智受盡羅漢如是師師相承至今不絕法師曰我今更說根本因緣余時於波咤利弗國集第三毗尼藏竟往昔日目捷連子帝須作如是念當來佛法何處久住即以神通力觀看閻浮利地當於邊地中興於是目捷連子帝須集諸衆僧語諸長老汝等各持佛法至邊地中堅立諸比丘答言善哉即遣大德末闡提汝至罽賓捷陀羅咤國中摩訶提婆至摩醯娑末陁羅國勒棄多至婆那婆私國曇無德至阿波蘭多迦國摩訶曇無德至摩訶勒棄多至臾那出界國是漢地也末示摩至雪山邊國須那迦欝多羅至金地國摩哂陀欝帝夜參婆樓拔陁至師子國各堅立佛法於是諸大德各各眷屬五人而往諸國堅立佛法余時罽賓國中有龍王名阿羅婆樓國中種禾稻

始欲結秀而龍王注大洪雨禾稻沒死流入  
海中尔時大德末闡提比丘等五人從波咤  
利弗國飛騰虛空至雪山邊阿羅婆樓池中  
下即於水上行住坐卧龍王眷屬童子入白  
龍王言不知何人身著赤衣居在水上侵犯  
我等龍王聞已即大瞋忿從宮中出見大德

伯二

大

末闡提龍至忿心轉更增盛於虛空中作諸  
神力種種非一令末闡提比丘恐怖復作暴  
風疾雨雷電霹靂山巖崩倒樹木摧折猶如  
虛空崩敗龍王眷屬童子復集一切諸龍童  
子身出烟竟起大猛火雨大礫石欲令大德  
末闡提恐怖既不恐怖而便罵言禿頭人君  
爲是誰身著赤衣如是罵詈大德顏色不異  
龍王復更作是罵言捉取打殺語已更喚兵  
衆現種種神變猶不能伏大德末闡提以神  
通力蔽龍王神力向龍王說若汝能令諸天  
世人一切悉來恐怖我者一毛不動汝今更  
取須彌山王及諸小山擲置我上亦不能至

大德作是語已龍王思念我作神力便已疲  
倦無所至到心含忿怒而便停住是時大德  
知龍王心以甘露法味教化示之令其歡喜  
歸伏龍王受甘露法已即受三歸五戒與其  
眷屬八萬四千俱受五戒復有雪山鬼夜叉  
捷闡婆鳩槃荼鬼等聞大德末闡提說法已  
即受三歸五戒復有夜叉五人與眷屬俱訶  
梨帝耶夜叉尼有五百子得須陀洹道於是  
大德末闡提喚一切夜叉及龍王從今已後  
莫生瞋恚莫殘害人民禾稻於諸衆生生慈  
悲心令得安樂一切諸龍鬼等答言善哉如  
大德教即當順從即日龍王作大供養龍王  
遺取已七寶牀與末闡提未闡提坐於牀上  
龍王立近末闡提邊以扇未闡提是時罽賓  
捷陀勒叉國人民常以節日集往祠會龍王  
到已見大德末闡提各相謂言此比丘神力  
乃勝龍王於是人民悉禮未闡提禮已而坐  
末闡提爲諸人民說讀譬經說已八萬衆生

即得道果千人出家法師言從昔至今罽賓國皆著袈裟光飾其境而說偈言

罽賓捷陀國

余時末闡提

瞋恚大龍王

令服甘露法從利利種男女各一千人出家如是佛法流布而說偈言

教化今受法

復有餘大衆

從繫縛得解

八萬得天眼

出家一千衆

大德摩訶提婆往至摩醯婆慢陀羅國至已

伯二

十

爲說天使經說竟四萬人得道果皆悉隨出家而說偈言

摩訶提婆有大神力得三達智到摩醯婆慢爲說天使經度脫諸衆生四萬得天眼皆悉隨出家

大德勒棄多往娑那婆私國於虛空中而坐

坐已爲說無始經說已六萬人得天眼七千人出家即起五百寺而說偈言

大德勒棄多有大神通力到娑那婆私

於虛空中坐爲說無始經衆生得天眼

出家七千人五百僧伽藍

大德曇無德往阿波蘭多國到已爲諸人民

說火聚譬經說已令人歡喜三萬人得天眼令服甘露法從利利種男女各一千人出家如是佛法流布而說偈言

大德曇無德

有大神通力

往阿婆蘭多

說火聚經法

令服甘露法

衆生得天眼

一千比丘僧

比丘尼如是

大德摩訶曇無德往至摩訶勒咤國到已爲說摩訶那羅陀迦葉本生經說已八萬四千

人得道三千人出家如是佛法流通而說偈言大德摩訶曇有大神通力往摩訶勒咤說迦葉本生衆生得道果出家三千人

大德摩訶勒棄多往叟那世界國到已爲說

伯三

十一

迦羅羅摩經說已叟那世界國七萬三千人得道果千人出家叟那世界佛法通流而說偈言

摩訶勒棄多

有大神通力

往叟那世界

說摩迦羅經

衆生得道果

出家一千人

大德末示摩大德迦葉大德提婆鈍毗帝須

復大德提婆往雪山邊到已說初轉法輪經  
說法已八億人得道大德五人各到一國教化五千人出家如是佛法流通雪山邊而說偈言

大德未示摩 有大神通力 往到雪山邊  
說初法輪經 衆生得道果 出家五千人

大德須那迦那鬱多羅往至金地國到已於金地中有一夜叉尼從海中出往到王宮中夫人若生兒已夜叉即奪取而食尔時王夫人生一男兒見大德須那迦來即大恐怖而作念言此是夜叉尼伴也即取器仗往欲殺須那迦須那迦問言何以持器仗而來諸人

答言王宮中生兒而夜叉尼伴奪取而食君

將非取伴耶須那迦答言我非夜叉尼伴我等名爲沙門斷殺生法護持十善勇猛精進我有善法是時夜叉尼聞王宮中生兒相與圍遶從海中出作如是言今王生兒我當往取食王宮中國人見夜叉衆來皆大驚怖往

白大德是時須那之即化作夜叉大眾倍於彼衆而圍遶之夜叉尼等見化夜叉而作念言彼夜叉者當已得國今將欲來取食我等作是念已即各走去不得迴顧於是化夜叉衆隨後而逐不見而止大德須那迦即誦呪防護國土使諸夜叉斷不得入即爲國人民說梵網經說已六萬人得道果復有受三歸五戒者三千五百人爲比丘僧一千五百人爲比丘尼於是佛法流通法師言從昔至今王若生兒悉皆取名名須鬱多羅而說偈言大德須那迦 鬱多羅比丘 有大神通力 往到金地國 為說梵網經 衆生得道果

伯二

十三

三千五百僧 一千五百尼

大德目犍連子帝須與衆僧造摩哂陀往師子洲摩哂陀即作是念此時可去以不摩哂陀即入定觀師子阿毘羅陀國王名闍茶私婆年已老耄不堪受化若往化者佛法亦不久住我今且止去時未至若王命終太子代

位我當共往建立佛法我今且往外家欲問  
訖母復更自念到母國已當還此不仍往師  
子洲也摩哂陀往師所頭面禮足及比丘僧  
從阿育王僧伽藍出摩哂陀爲上座僧伽蜜  
多兒沙彌須末那等六人及一優婆塞名盤  
頭迦與共俱去過王舍城至南山村從此次

第而奉至母國也法師曰何以故昔阿育王  
封鬱支國初往至國次第而去即到南山山  
下有村名卑提寫大富長者以女與阿育王  
爲婦到國而生一男兒名摩哂陀摩哂陀年  
已十四後阿育王便登王位留婦置鬱支國  
在卑提寫村住是以經文注言摩哂陀經六  
月日而至母所爾時摩哂陀次第到母國已  
母出頭面作禮作禮已竟爲設中食即立大  
寺名卑地寫時摩哂陀少時住寺而作是念  
此間所作已說時可去不摩哂陀復自思念  
我今且當待阿育王遣使往師子洲授太子  
天愛帝須爲王竟然後我往使彼太子若登

位者得阿育王拜授爲王并聞如來功德必  
大歡喜我伺其出遊眉沙迦山是時我與相  
見過一月已當往到彼四月十五日衆僧集  
布薩時便共籌量於是衆僧各各答言時可  
去矣法師曰往昔說偈讚言

上座摩哂陀 大德鬱地吏 大德鬱帝吏

大德跋陀多 大德參婆樓 沙彌修摩那  
皆得三達智 婆塞槃頭迦 已得見道跡  
此諸大士等

余時天帝釋知聞茶私婆王便已歿殮即下  
白摩哂陀言師子阿冕羅陀國王命已壽終  
今太子天愛帝須已登爲王我念往昔佛在  
世時已說摩哂陀比丘當在師子土中興隆  
佛法是故大德今應當去我亦侍從俱往至  
彼天帝釋即作是言余時佛在菩提樹下以  
天眼徧觀世間即見師子洲中佛法興盛勑  
語我言可與大德摩哂陀俱往師子洲中豎  
立佛法是故我今作如是言大德摩哂陀已

受天帝釋語已即從卑地寫山與大衆俱飛  
騰虛空到師子阿菴羅陀國往至東方眉沙  
迦山下是故從古至今名爲像山法師曰今  
說往昔偈言

住卑地寫村 已經三十日 時至宜應去  
往到師子洲 從閻浮利地 次第飛騰往

譬如虛空鷹 羅烈不失次 如是諸大德  
根本因緣起 國東眉沙山 穏龜如黑雲  
即到山頂上 彌徊而來下

尔時諸大德到師子洲中已摩西陀爲上座  
於時佛涅槃已二百三十六歲佛法流通至  
師子洲中應當知之尔時阿闍世王登王位

八年佛涅槃此年師子童子而於彼洲初立  
作王又有童子名毗闍耶往師子洲中安立  
人民住止處竟尔時間浮地王名跋陀耶跋  
陀羅登王位已十四年此毗闍耶於師子洲  
中命死跋陀耶跋陀羅已十五年半頭婆修  
提婆於師子洲登王位尔時間浮利地若那

但二

十四

迦遂寫迦登王位二十年半頭婆修提婆王  
於彼命終阿婆耶即代爲王閻浮利地王名  
修佛那伽作王十七年阿婆耶王二十年有  
波君茶迦婆耶起兵伐阿婆耶王得仍即立  
代爲王閻浮利地王名迦羅育在位已十六  
年波君茶迦婆耶已十八年閻浮利地王名  
旃陀掘多作王已十四年波君茶迦婆耶命  
終聞荼私婆代閻浮利地王名阿育已在位  
十七年聞荼私婆命終天愛帝須代尔時佛  
涅槃後阿菴樓陀王閻跋王在位各八年那  
迦逮婆迦作王十四年修佛那迦作王十八  
年其兒代名阿育作王二十八年阿育王有  
十兒並登爲王二十二年次玖難陀代作王  
二十二年復有旃陀掘多作王二十四年賓  
頭沙羅王代在位二十八年阿育王代位已  
十八年摩西陀到師子洲中即是王種次第  
應當知是時天愛帝須王有星宿惡忌避出  
使臣打鼓宣令王當出使臣打鼓宣令王當

出避與四萬衆圍遠出城到眉沙迦山王欲行獵余時山中有一樹神欲令王得見大德摩哂陀樹神化作一鹿去王不遠示現徵草而便徐行王見化鹿即張弓捻箭引弓欲射

王復念言我當諦射此鹿鹿仍迴向暗婆陀羅路而走王即逐後到暗婆陀羅化鹿知去

伯二

十五

摩哂陀不遠而滅於是摩哂陀見王已近而

作是念今以神力令王正見我一人不見餘人大德摩哂陀即喚帝須帝須汝當善來王聞喚已而便念言今此國中誰敢喚我名者此何等人著赤衣服割截而成喚我名字生狐疑心此是何等爲是人乎爲是鬼神耶於是大德摩哂陀即答言我等沙門釋種法王之子爲哀愍大王從閻浮利地故來到此余時天愛帝須王與阿育王以有書信遙作知識是時天愛帝須王功德瑞相有山名車多迦山邊生一竹林林中有三竹大如棘一名騰杖二名華杖三名鳥杖騰杖者其色白如

銀金騰繞纏華杖者黃碧絳黑白華種種雜華瓔珞華杖鳥杖者鷹鶲耆婆鳥耆毗鳥如是種種衆鳥復有四足衆生如生氣無異法師曰今說往昔偈讚

車多迦山邊 忽生一竹林 林中有三竹其色白如銀 黃白絳碧黑 金騰圍達纏

衆鳥及四足 種種雜華照

海中復出珊瑚真珠摩尼金銀種種雜寶復有八種真珠馬珠象珠車珠婆羅迦珠婆羅耶珠纏指珠迦鳩陀婆羅珠卅間珠如是天變帝須王遣信賚上三竹及衆寶物并八真珠獻阿育王到已阿育王見大歡喜即答餉以五種服飾金拂劍天冠七寶華屣及衆寶物不可計數何謂爲衆物檀陀迦螺及常滿河水騰沙迦華頻伽色髮衣一雙手巾青栴檀有土如平且時色阿羅勒果阿摩勒果玉女法師曰今說往昔偈言

天冠拂傘劍

七寶裝華屣

頻伽檀陀螺

色髮衣一雙 金盃犧一具 阿耨達池水  
鮮白貴手巾 無價青楠檀 平旦色白土  
龍王石眼藥 巍摩阿梨勒 無上甘露藥  
鸚鵡所獻果 其數五百擔 此諸衆妙物  
阿育王功德

如是諸妙物是世間餉也復有三寶餉

伯二

十六

王言我已歸依佛歸依法歸依僧作優婆塞  
此是釋種子法於三寶中汝當至心信受佛  
法阿育王遣信答天愛帝須王餉并授王位  
天愛帝須王以三月十五日受拜王位經一  
月日摩哂陀等來到復聞摩哂陀說我是釋  
種子天愛帝須王於獵場中即復思憶阿育

我俱來王復問於闍浮利地有餘如此沙門  
不答言彼國土者沙門衆多袈裟之服晃曜  
國內皆三達智神通無礙懸知人心漏盡羅  
漢佛弟子聲聞衆多王復問言諸大德等衆  
何來此答言我等不用水陸而來王自念言  
當從虛空來也摩哂陀復作是念王有智慧  
無智慧耶我當試之有一菴羅樹王坐近樹  
摩哂陀因樹而問大王此是菴羅樹耶王即  
答言是菴羅樹置此菴羅樹更有樹無答言  
更有復置此樹更有樹無答言更有復置此  
樹更有餘樹無即答言有復問置餘樹更有  
樹無答此是菴羅樹耶摩哂陀答善哉大王

伯二

十七

王書言有釋種子即投弓放箭却坐一面各  
相問訊法師曰今說往昔偈讚言  
投弓放箭 却坐一面 大王坐已 問訊大德  
句次有義 時四萬人 往到王所 各自圍遶  
是時軍衆到已大德摩哂陀即現六人王時  
見已而問大德此六人者何時來也答言與

已王與四方大衆一時俱受三歸是時王聽法已遣信還國欲取飲食王復念言即今非時非沙門食也飲食到已王自欲獨食意復疑曰而問諸大德大德食不答言此非我等沙門食時王問何時得淨也答曰從旦至中得應淨法王曰諸大德今可共還國答言不

隨我等住此若諸大德住此請童子隨去答言此童子者已得道果通知佛法今欲出家王言若尔者我明當遣車來奉迎語已即頭頂禮足而便還去王去不久摩哂陀喚沙彌修摩那今應說法時汝可唱轉法輪修摩那白師言我今唱令聲至何處答言使聲滿師

子國修摩那答言善哉大德即入第四禪已從禪定起自勑心已令師子國一切人民俱聞我聲仍便三唱三唱已竟王聞此聲即遣人往到諸大德所問有何等觸犯諸大德令聲驚大乃至如是大德答言無所驚動此是唱聲欲演佛法是時地神聞沙彌聲即大叫

喜喜聲徹虛空中虛空諸神展轉相承聲至千梵天梵天聞已一切來集是時摩哂陀即說平等心經說已諸天無數皆得道跡摩睺羅伽迦樓羅等皆受三歸如昔大德舍利弗說平等經無數人得道摩哂陀今說亦復如是過夜至明日王遣車來迎到已使者白諸大德今車已至願屈而去答使者言我等不乘車也汝但先還今當隨後作是答已即飛騰虛空往阿菟羅國城東而住是往昔諸佛住處而下摩哂陀等既初下此處即名初住處王遣使者迎諸大德即召諸臣共擦理屋舍諸臣聞王語已心中歡喜王復念言昨所說法沙門法者不得高廣大牀王籌量未竟倍二迎使者還已到城門使者見諸大德已先在城東衣服儼然心大驚喜入白王言大德已至王問使者諸大德爲乘車不使者答言不肯乘車使者復言我在前還諸大德在後來今已先至住在城門王聞使者語已勑言不

須安高廣牀王教諸臣令敷地上安茵褥教  
已王即出迎諸大德諸臣即取氍毹重敷褥  
上國中相師見王以席敷地而自念此諸沙  
門便領此地永不移轉王迎諸大德到已頭  
頂禮足以種種供養迎入國內於是大德摩  
西陀等見席敷地各自念言我等輩法於此

地中不復移轉而各就座王以精膳飲食種  
種甘味自手斟酌供設備足王遣信喚宮中  
大夫人名阿菴羅與五百夫人使各賚華香  
供養王仍却坐一面於是大德摩西陀即爲  
大衆兩大法爾說餓鬼本生經宮殿本經開  
演四諦說已五百夫人皆得道果國中人民

先隨王到眉沙迦山中者各相宣傳稱歎諸  
大德巍巍功德一切國中遠近悉來到國衆  
數填塞不得看諸大德作大叫聲王問何物  
叫聲答言國中民人不得見諸大德比丘故  
大叫耳王自念言此中窄陝不得悉入王語  
諸臣可更撩理大象屋中以白沙覆地五色

伯一

十九

華散上懸施帳幔諸大德等在象王處坐諸  
臣敷施已竟入白王言於是諸比丘往象屋  
中到已各坐爲說天使經說已千人得道於  
象屋中人衆轉多復移於城南門外園林名  
難陀於中敷施薦席諸大德比丘往到爲衆  
說犢譬經千人得道從初日到第三說法二

千五百人皆得道跡諸大德住難陀園國中  
長者婦女來到到已作禮問訊從旦至冥諸  
比丘即從座而起諸臣驚恠而問諸大德今  
欲何去答言我等欲還所住臣即白大王諸  
法師欲去大王許不王即白言大德曰今已  
冥云何得去且停住此時諸比丘答言不住

王復請言我父王有園名曰眉伽去此不遠  
不近可在中住往來便易於是諸大德隨王  
請住明日大王復往問訊到已作禮而便白  
言夜來得安眠不起居何如此園可住以不  
諸大德答言可住乃說修多羅偈佛言我聽  
諸比丘園林中住王聞說已心大歡喜即以

金瓶水授摩哂陀手水下著手是時國土地  
大震動王即驚怖白大德言大德何以如此  
地皆大動摩哂陀答大王勿有恐懼此國王  
者十力法興欲造大寺在此園地是故地爲  
先瑞故現此耳王聞語已倍增踊躍於是摩  
哂陀明日與衆俱往王宮中食食訖還往難  
陀園中

千末

## 善見毗婆沙律卷第二

伯二

## 善見毗婆沙律卷第三

伯三

蕭齊外國沙門僧伽跋陀羅譯

闡昌演撮七活珍徒典獵鷹二同良餚饋戶  
交反下千乘下時萬騎下其盜孟二字正  
時扇反下音愕下音枉紓往舉余預方音企丘智  
甥生音愕各音枉枉紓往舉余預方音企丘智

爲諸人民說無始界經復一日爲衆說火聚  
經如是展轉乃至七日八千五百人皆得道  
果佛法於此園中光明流布以是即名爲光  
明園也七日已後諸大德往王宮說不懈怠

巨延我罽居例醯呼芳霧靈上普覓反礮石  
酥音禿他谷鈍徒困耄莫報伺相寺鑊二字  
代音愛閔躅上音敏下逮婆上音攻難上音捺  
反牒轄縛降餉詩尚屣所綺犧稀二同音  
晃曜上胡廣反斟酌上之林反若反陝狹二同侯  
正帳縵上知向反下莫半反

經已往支帝耶山是時大王與諸臣共論此  
諸比丘教化我等極令堅固諸大德爲已去  
未諸臣答王諸衆僧自來今去亦當不白大  
王於是王與二夫人共乘寶車千乘万騎圍  
遶馳犇逐諸衆僧到於支帝耶山到已置諸  
從衆王自往到諸大德所王大疲勞氣力噓

平江路碛沙延聖寺比丘該伏覩本寺刊雕大藏經板發心捨施中統

鈔榮拾定助刊經文所集功德上報

佛祖之恩下荅生成之德仍用莊嚴

先師蘭臺尊等移公增崇品位者大德十年七月 日意願